

Script of Evening Gojri News Bulletin 02 November 2024 at 1700 Hrs

ایوننگ گو جری نیوز بلیٹن مو رخہ 02 نومبر 2024

یوہ آکا شوانی جموں بے عبدالرحمن شاہین تے مشرف عظیم تیں خبر سنو۔ پہلاں خاص خاص خبر۔

- * 1. کشمیر خطہ مانہ حفاظتی دستاں تے دہشت گرداں بشکار ہوا 2 بکھ بکھ ٹا کراں مانہ 2 دہشت گرد مار گرایا گیا ہیں تے اس دوران 4 حفاظتی اہلکار زخمی وی ہوا ہیں۔
- * 2. وزیر دفاع راجناتھ سنگھ نے کہیو ہے جے دہشت گردانہ تشدد مانہ باندو کوئی حفاظتی چوک یاہ کمی نہیں ہے تے حفاظتی دستہ خلل پان آلی طاقتاں نانہ مناسب جواب دے رہیا ہیں۔
- * 3. نیشنل کانفرنس غا صدر ڈاکٹر فاروق عبداللہ نے کہیو ہے جے جموں کشمیر مانہ بہت جلد پنچایتی انتخابات منعقد ویں گا۔
- * 4. ریاسی ضلع غا چسانہ علاقہ مانہ پیش آیا اک سڑک حادثہ مانہ 3 افراد غی موت ہو گئی ہے جد اک کارسڑک تیں کھسک غے اک ڈونگی کھائی مانہ جا پئی۔
- * 5. تے 19 بہراں تیں کہٹ عمر آلی عالمی مکے بازی چمپئن شپ مانہ بھارت غا مکے باز کرشنا ورمانے سونا غو تمغو حاصل کیو ہے۔

خبران غی تفصیل نال پہلاں مشرف اعظیم۔

Anantnag Encounter

جنوبی کشمیر گا ضلع اننت ناگ غا علاقہ ہلکان گلی مانہ دہشت گرداں تے حفاظتی دستاں بشکار ٹاکرا مانہ 2 دہشت گرد ان نانہ مار مکایو ہے۔ سرینگر مانہ قائم چنار کور غا سماجی میڈیا غی اک پوسٹ غے مطابق حفاظتی دستاں تے پولیس نے دہشت گرداں بارے اک سٹو ملن توں بعد اک تلاشی کا روائی شروع کی تھی۔ سرکاری ذرائع غے مطابق ہلکان گلی مانہ چکنا حفاظتی دستاں نے دہشت گرداں غی اک مشکوک حرکت نانہ دیکھتاں واں گولی بازی شروع کی جس غا نتیجہ مانہ 2 دہشت گرد مار مکایا۔ واضع رہ جے یوہ آپریشن اجوں جاری۔ اسے طرح حفاظتی دستاں تے دہشت گرداں بشکار سرینگر غا کھاتیار علاقہ مانہ گولی بازی جاری ہے۔ یوہ ٹاکرو اس ویلے شروع ہوؤ جد حفاظتی دستاں تے پولیس اک گشت ورتھا۔ جس غا نتیجہ مانہ 2 سی آر پی ایف غا جوان تے 2 پولیس غا اہلکار زخمی ہوا ہیں۔ واضع رہ جے ٹاکرو اک تلاشی مہم غے دوران شروع ہوؤ جس مانہ یہ جوان زخمی ہوا۔ زخمی ہوا جوانان نانہ فوج غا 92 بیس ہسپتال مانہ لے جایو گیو ہے، جن غی حالت خطرہ توں باہر دسی گئی ہے۔ اس بارے مزید تفصیل غی اجوں اڑیک ہے۔

Rajnath Singh

مرکزی وزیر دفاع راجناتھ سنگھ نے جموں کشمیر حالیہ دہشت گردانہ حملان نانہ بد قسمتی سنگ تعبیر کرتاں واں کہیو جے ات کوئی وی حفاظتی چوک نہیں ہے۔ تے حفاظتی دستاں دہشت گرداں نانہ منہ توڑ جواب دے رہیا ہیں۔ کانپور اتر پردیش مانہ اخباری نمائندان سنگ گل بات کرتاں واں جناب راجناتھ سنگھ نے اج کہیو ہے جے یاہ کوئی حفاظتی چوک

یہ کمی نہیں ہے تے پہلاں وقتاں غے مقابلے دہشت گردانہ حملان مانہ ات کا فی کمی آئی ہے۔ اس با رے بولتاں واں انہاں نے مزید کجھ اس طرح کہیو۔۔ با نٹ۔۔

Farooq Panchyat

نیشنل کانفرنس غا صدر فاروق عبداللہ نے اج کہیو ہے جے مرکزی زیر انتظام علاقہ جموں کشمیر مانہ جلد ہی پنچایتی انتخابات منعقد ویں گا تے اُن نے کہیو ہے اس سلسلہ مانہ تیاریں جا ری ہیں۔ این سی گا صدر نے جموں کشمیر نانہ ریا سنی حثیت گی بحالی نانہ دہرایو تے کہیو ہے ان غی جماعت یوٹی غی حثیت نانہ قبول نہیں کرنو چاہتی اُن نے مزید کہیو ہے ریا سنی حثیت پا رلیمنٹ تے سپریم کورٹ غے سامنے اک وعدو ہے جس نانہ بلا تاخیر بحال کرنو وے گو۔

Canada

وزارت خارجہ غی طرفوں کنیڈا غا ہائی کمیشن غا نمائندہ نانہ بلا غے کنیڈا غا نائب وزیر ڈیوڈ مورین غا بیان جس مانہ وزیر داخلہ امت شاہ با رے ذکر کیو گیو تھو ور احتجاج درج کرایو۔ نوی دہلی مانہ میڈیا سنگ خطاب کرتاں واں وزارت غا ترجمان نے کہیو ہے اُٹیوا مانہ قائم کی گئی کمیٹی نانہ صفارتی نوٹ 29 اکتوبر نانہ تھما دتا تھا۔ اُن نے اس گل ور وی انکشاف کیو ہے اس غیر ذمہ دارانہ عمل غو باہمی تعلقات ور ماڑو اثر پے گو۔

PM India Greece Talks

وزیر اعظم نریندر مو دی تے یونان غا وزیر اعظم کیریا کو س متسوٹاکیس نے دوہاں ملکاں غے درمیان حکمت عملی با رے شراکت داری نانہ مضبوط بنان غا عزم غو اعدا کیو ہے۔ اک ٹیلی فونک گل بات غے دوران دوہاں رہنماواں نے بکھ بکھ علاقائی تے عالمی سطح ور دلچسپی غا ماور ور تبادلہ خیال کیو، جس مانہ مغربی ایشیا مانہ بھارت مڈل ایسٹ اکتامک کا ریڈور تے باہمی شراکتداری با رے گل بات کی۔ جس مانہ تجارت، دفاع، تے دو طرفہ تعاون غی پیش رفت با رے وی جائزو لیو۔ اس گل بات غے دوران یونانی وزیر اعظم نے جناب مو دی نانہ دوہا رہ انتخابات جتن ور مبارکباد پیش کی۔

یہ خبر تم آکاشوانی جموں تیں سن رہیا ہیں خبراں غا باقی حصہ نال عبدالرحمن شاہین۔

Reasi Mishap

ریا سی ضلع مانہ گئی رات پیش آیا اک سڑک حادثہ مانہ اُسویلے اک خاتون تے اُس گا 10 مہیناں غا بیٹا سمیت 3 افراد غی موت ہو گئی تے 3 دوجا افراد شدید زخمی ہو گیا جد اک کار جس مانہ وے سوار تھا اوں پہاڑی سڑک تیں کھسک غے اک ڈونگی کھائی مانہ جا پئی۔ ریا سی تیں آکاشوانی غا نامہ نگار دویندر ٹھاکر نے دسیو ہے جے پچھلی گزری آدھی رات نانہ اُس ویلے یوہ سڑک حادثو پیش آیو جد اک ایکو کار زیر نمبر جے کے 20 سی 6326 جہیڑی کہ چسانہ تیں مہور جا رہی تھی واہ چاملو موڑ غے نیڑے سڑک وروں رُڑ غے اک ڈونگی کھائی مانہ جا پئی۔ جس غا نتیجہ مانہ 3 افراد غی موت ہو گئی ہے۔ جد کہ 3 دوجا زخمی ہو گیا ہیں۔ مرن آلاں غی پشان سندور سنگھ، گلچا دیوی تے اُس غا 10 مہیناں غا بچہ غے طور ور ہوئی ہے تے یہ سارا مالی کوٹ چسانہ غا رہن آلا تھا۔ زخمی افراد غی پشان چنکر سنگھ، اجے سنگھ تے ڈنڈکال غے طور ہوئی ہے۔

BSF Udhampur

ویشوو کرما تہاڑو مُلک پھر غی طرح جموں کشمیر مانہہ وی منایو جا رہیو ہے۔ جہیڑو جے اک ہندو تہوار منیو جا ئے جس مانہہ کا ریگر، دستکار تے مزدور بھگوان ویشوو کرما غا احترام مانہہ تخلیقی صلاحیتاں، خوشحالی غی نعمتاں نانہہ حاصل کرن بارے مناویں۔ لوک اس تہاڑاے لوگ اپنی کم کاج غی جگہ، دُکان، کارخانہ تے کُجھ دوجی جگہاں ور بھگوان ویشوو کرما غی پوجا کریں۔

Surankote

ڈپٹی کمشنر پونچھ وکا س کُنڈل نے سب ضلع ہسپتال سپرنکوٹ غو اچانک دورو کیو ہے۔
 اک سماجی ذرائع ابلاغ پوسٹ مانہ ڈپٹی کمشنر پونچھ گا دفتر غی طرفوں دسیو گیو ہے جے
 ڈپٹی کمشنر موصوف نے اپنا معائنہ غے دوران محکمہ صحت غا عہدیداراں نانہ ہدایت دتی
 ہیں جے وے مریضاں غی توقعات ور پوراں اُترتاں واں معیار ی یقینیت، قابل رسائی تے
 گنجائش صحت تحفظ ور توجو دیں۔

Poonch Camp

ضلع انتظامیہ پونچھ نے انکھاں غا ہسپتال اے ایس جی سرینگر غی سانجی شراکت داری سنگ پونچھ مانہ انکھاں بارے جانچ غو اک مفت کیمپ غو انعقاد کیو۔ آکاشوانی غا مہارائے نمائندانو بھو مصری غے مطابق اس کیمپ غو افتتاح اعلیٰ طبی افسر ڈاکٹر پرویز نے سماجی ارکان تے مریضان غی موجودگی مانہ کیو۔ جس مانہ تقریباً 3 سو مریضان نے اپنی انکھاں غی جانچ کرائی تے آئندہ طبی علاج بارے وی جانیو۔

U 19 World Boxing

امریکہ غا کولو راڻو مانہہ گذشتہ روز 19 بہراں تیں کھٹ عمر غا عالمی مُکے بازی چمپئن شپ مانہہ بھارت غا کرشنا ورما نے سونا غو تمغو جتیو ہے۔ اس تیں علاوہ 5 ہور مُکے باز سونا غو تمغو جتن غی دوڑ توں باہر ہو گیا۔ کرشنا نے جرمنی غا لیریکا سمن

نانہ 0/5 توں ہرایو۔ جد کہ چنچل چودھری 48 کلو گرام غا زمرہ مانہہ انگلینڈ غی رُبی
وائٹ توں ہا ر غے مقابلہ توں باہر ہو گئیں۔

اس غے نال ہی خبراں غو یوہ بلیٹن ختم ہوؤ۔